

126

# LEONARDI GINII

CORTONENSIS

*In Funere Serenissimi Cosmi Medicis  
Magni Etruria Ducis*

Funebris Laudatio ad Senenses.



CVM LICENTIA ET PRIVILEGIO



FLORENTIÆ

Ex Bibliotheca Iunctarum

M D LXXIIII

LEONARDI GINI

CORTONENSIS

In Pons. & Cortona. & Cortona. & Cortona.

Funeris Landis. & Cortona.

COM LICENTIA ET PRIVILEGIO



• FLORENTIA •

Hx Bibliotheca Iungarum

M D LXXIII

SERENISSIMO FRANCISCO

MEDICI MAGNO ETRVRIAE

Duci secundo.

Leonardus Ginius Cortonensis

S. P. D.



VVM Serenissime Dux tristis acer-  
busque nuncius de Serenissimi Patris  
tui morte allatus esset, dolui equidem, ut  
debui; ac dolori etiā indulgere coactus  
sum. Scripsi igitur orationem, & eo  
quidem argumento, quo plures alios scri-  
pturos esse non dubitabam. Non tamen  
eo animo, quod summos illos viros aequa-  
re dicendo aut considerem, aut studerē,  
sed ut officio meo aliqua saltem parte sa-  
tisfacere; & dolorem meum nescio an lenirem, vel auerem potius,  
& aliquam lugendo oblectationem caperem. Accedebat, quod ut me  
amici quidam mei, viriq. doctissimi, & prudentissimi admonebant,  
fieri posse videbatur, ut Senis & suus fieret, & oratio aliqua publice  
haberetur; quod si accidisset, munus, cui praepositus sum, id a me potissi-  
mum exigebat. Conscriptam igitur oratiunculam compressam apud  
me domi habebam, nec patiebar emanare. Interea honestissimum, ac  
perlucuosum suus Florentiae ductum est, doctissimorumq. virorum  
orationes editae sunt. Quod quum viderem, veritus sum, ne officio meo  
defuisse existimarer; & beneficiorum immemor, ingratusq. haberer,  
nisi, quod praestitisse alios videbam, ipse quoque dolorem, animumque  
meum quoquomodo indicare. Quare, quum neque cum superioribus cer-  
sare videri vellem, quibus primas semper concesserim, neque omnino  
silendum, immo aliquem animi mei testem dandum esse censerem; me-  
diam quandam rationem sequutus sum. Itaque meas hasce lacrymas,  
meum hoc doloris, angorisq. testimonium descripsi, & apud te vnum  
deponere, ac tibi vni commendatum esse volui; cui iam pridem me ip-  
sum

231  
sum, neq. omnia addixi & dicaui. Quod si propter inanem sueris  
expectationem serius factum est, quam decuisset; ne quæso propterea  
contemnas. Meminisse enim potes, non minus habere suauitatis fructus  
illos, qui citius, quam qui serius maturuerint. Immo collectos, diuiniq.  
asservatos tempestiuus ipsis accidere aliquando iucundiores. Quamquã  
non ita sum demens, ut eiusmodi fore meos confidam; ceterum, ut fide-  
les penus dispensatores facere solent, eos qualesquales sint, tam-  
quam ex penu tuo deproptos, simulatq. promere licuit, tibi apposui. Qua  
in re fidem, animumq. laudare saltem debes, quem tibi vnum præci-  
pius cognitum esse vehementer cupio, idq. vni enitar semper pro viribus,  
atque contendam: neque vniquam ex me quicquam prodibit, quod  
tamquam tuum non exierit (nisi te aliter sentire intellexero) Serenissimo  
nomine tuo decoratum. Hæc interim hylare, ut soles omnia, benigneq.  
excipias, usque tuo arbitratu vtaris; & vel penitus, ut merentur, sup-  
pressa conscindas: vel si animum meum testatum notumq. esse omni-  
bus æquum iudicas, edice, & vulgari patiaris. Deus Opt. Max. tibi  
imperium fortunet, optatq. tuis omnibus respondeat.



# LEONARDI GINII CORTONENSIS

IN FVNERE SERENISS. COSMI

MEDICIS Magni Etruriæ Ducis

*Funebris laudatio ad Senenses.*



AGNAM, Diram, longeque aliā,  
quā voluiffem, uideo mihi Se-  
nenses neceffitate dicēdi effe im-  
pofitam. Pietas fuadet, officium  
poftulat, erūpit dolor, & occul-  
tari nullo modo patitur. O Fa-  
tum iniquum, & inexorabile; te  
ego non malum effe dicam? Vbi  
nam quæfo ij funt, qui mortem  
non modo non malum, fed bo-

rum effe vel maximum contendunt? Equidem quamdiu ve-  
ftrum omnium vultum palloremque contēplor; quam diu  
lacrymas afpicio quamdiu non modo huius vrbs, fed Tu-  
fciaē vniuerfa immo Italiaē fletum, mœrorem, gemitūque exau-  
dio, numquam patiar mihi perfuaderi vos boni, aut commo-  
di alicuius opinione in- eiufmodi eiulatum ac fletum fuiſſe  
adductos. Non bonis angī, fed malis atque incommodis ho-  
mines confueuerunt. Quod ſi quis fieri vëter, durus nimis,  
ac penę ferreus dici poteſt, quique a communi hominū ſen-  
ſu, & ſententia penitus abhoreat Nam ſi eorum, quos dili-  
gebamus, atque obſeruabamus commodis dolere non debe-  
mus; num propterea noſtra lugere nobis damna non lice-  
bit? Siquidem non id eſt ſelicitatem iis inuidere, ſed homi-  
nem ſe eſſe oſtendere, ac naturę hominis aliquid concedere.

re.

# *Funeris laudatio*

re. Scimus quàm commodissime cum Serenissimo Duce nostro esse actum; ipsumq; ad Deum Opt. Max. in beatorum patriam non dubitamus euolasse. Quid igitur? si optimum Principem, vel parentem potius amittere funestum est, atq; luctuosum, non lugebit Etruria, quæ Principem sapientissimum, & parentem charissimum amisit? Si splendore ac luminibus orbari graue est, & calamitosum, non angetur Italia, quæ MAGNO COSMO MEDICE extincto præcipuo splendore, ac lumine est orbata? Immo si rem diligentius consideremus, videbimus profecto, non esse vllum apud Christianos locum, qui magnam COSMI MEDICIS morte non fecerit iacturam. Nemo enim umquam inuentus est, qui, rebus suis postulantiis, potentissimi huius, liberalissimi, ac prudentissimi Principis opem, aut consilium desiderarit. Non igitur eius mortem deplorabimus? æquo animo ipsum nobis ereptum fuisse patiemur? Nos, quos hoc præcipue malum tangit, prudentissimo, ac certissimo Duce, iustissimo Principe, humanissimo Parente amisso, nos inquam ornamentis, præsidiiisque omnibus spoliati non dolebimus? non angemur? non cruciabimur? non mœrore, ac lacrymis conficiemur? O me miserum, O me infelicem. Ergo hæc vox, quæ qualiscumq; est, liberalissimi huius Principis benignitate alta, & aucta est, quæq; paucis ante annis pro amplificata eius dignitate in gratulationibus habendis fuit occupata, ad ejusdem laudes factaq; in acerbissimo, ac Etruriæ pene vniuersæ publico funere summo cum ploratu, & mœrore attingenda, fuit miserabiliter reseruata? Hæc vox, quæ tunc commune conceptum animis gaudium tanta cum alacritate promere conata est, nunc dolorem animiq; cruciatum dolens atque inuita dicendo refricare cogetur, ac retractando augere? Ergo prudentissimi, iustissimi, atque inuictissimi Ducis nostri defuncti laudes aggrediemur? quem viuum pro dignitate nemo umquam satis se laudaturum sperare ausus esset? Faciendum tamen; & postremum hoc, qualecumq; sit, vt muneri nostro aliquid satisfaciamus, Duci nostro pro uiribus persoluendum. At quantum quæso hoc est? quam magnū  
quàm

*Leonardi Gini Cortonen.*

quàm difficile? Serenissimus Cos. MED. Magnus Etrurię  
Dux descendus, ac laudandus est. Hic modum potius, quàm  
copiam quærendam esse omnes vident. Etenim si, quæ dici  
possent, omnia vellem explicare; ante nos dies deficeret, quā  
dicendi finem facere possemus. At si orationi velim mode-  
rari, illud in oratione moderanda obicitur difficilimum, q̃  
eius gesta, virtutesq. omnes tātę sunt, vt quancumq. omi-  
serim, maiorem videri possim omisisse; q̃q; non satis est, si  
mihi vni, si vobis omnibus, si Tuscię, atque Italię satisfaciā;  
immo Christianis omnibus, immo vniuerso orbi esset satisfa-  
ciendum. Eset inquam consentaneum, vt mortales omnes  
intelligerent, me non temere omnino rem tantam esse ag-  
gressum; viresq. meas ad tantum munus aliqua saltem ex-  
parte sustinendum esse idoneas. Quis est enim, tam desertus  
& angustus locus, quis in orbe vniuerso angulus, quo non  
Medicum familię fama celebris peruaserit? quo non Medi-  
cum familię nomen non modo Magnificum, atque Illustre,  
sed etiam Illustrissimum, excellentissimum, Serenissimum,  
Maxime Reuerendum, Sanctissimumq. peruenerit. Videtis  
quot, quantaq. sint, quæ in præsentia homines expectent;  
quæ audire magnopere concupiscant; quæ præstaria nobis  
debere arbitrentur. Atqui equidem non faciam, vt me par-  
uā ac penē dissoluta rate tam vasto, tam profundo, immen-  
soq. mari audeam committere. Patientur viri in omni vitę  
genere excellentes; non ægre ferent reliqui Duces; Permit-  
tet Regia Maiestas; Non negabunt Cardinales; Concedent  
Pontifices, vt maximis clarissimisq. eorum gestis omisis, in  
vnius Magni Cosmi aliquot virtutibus saltem attingendis,  
eiusq. interitu deplorando exercear. Non enim est mihi in  
præsentia propositum vt vel de aliis maioribus, vel de ipso  
etiam patre, de ipso Maximo Magni Ducis nostri patre, de  
ipso Ioanne Medice, qui & animi, & corporis robore, & rei  
militaris, ac bellicę virtutis gloria tantum præstitit, vt eum  
in quo Italię libertati fato periisse mcesta semper clamet, ac  
vociferetur Italia; vel de florentissima eius patria verba fa-  
ciam. Satis superq. vnus est Cosmus. Quem quidem non

*Funebris laudatio*

ne fugit huiusmodi re parum, immo nihil potius delecta-  
ri. Eaturus enim qui felicitate vera fruitur, non postulat,  
quisque viuens laude dignus esse, quam laudari maluit, lauda-  
tiones mortuus non desiderat. Verum tamen, quoniam ne-  
que nobis ipsis, neque aliorum desiderio satisfacere possu-  
mus, si tot tantasque virtutes taciti prætereamus, petemus ab  
omnibus, ut libenti animo quod possumus accipiant; neque  
maiora viribus nostris a nobis flagitent. Ac si qui sorte sint,  
qui non satis hoc esse magnum, quod profitemur, existimēt,  
expendant, obsecro, & laudandi causas et plorandi; virtutes  
tanti viri, ac gesta contemplantur, ac demum eos respiciant,  
qui eius virtutibus ac gestis conseruatos sese, vel certe adiu-  
tos aperte, atque ingenue confitentur. Tantum certe hoc ef-  
fe intelligunt, quantum, non dicam ornari, sed vix vilius ora-  
tione possit explicari. Si a Florentinis, si a vobis Senenses plo-  
ratus vestri causa requiratur, respondebitis profecto; vos  
ab hoc Sapientissimo Duce non a simulata, & nomine tan-  
tum adumbrata libertate, sed a seditione, sed a mutua ciui-  
um vestrorum eade ac tyrannide fuisse liberatos: Quod ip-  
sum assiduo cum gemitu, & luctu cuncta etiam testabitur  
Ætæria. Addet mœrens, ac lugens Italia, Duce hoc omnia,  
que in ipsa ardebant bella fuisse resuncta. Iam Gallia, Panno-  
nia, Germania, Melita, illa quidem legionum, hæc vero clas-  
sis Serenissimi Cæsaris virtutem, robur, atque auxilium tū  
maximum, tum utilissimum sensisse non sine lacrymis testi-  
ficabitur. Hic nonne altius impressa liberalitatis, iustitiæ, pie-  
tatis vestigia vndique apparent? Quando igitur hæc vrbes,  
populi, nationesq. omnes hunc pro dignitate laudatum, &  
pro inerat, deploratum maxime volunt, horum ego o-  
mnium votis respondere unus potero? Iam uero si Turcas, si per-  
duelles Lutherianos, & Vgonianos, si Afros quid de hoc ui-  
ro sentiant interrogemus, non dubito quin responsuri sint, i-  
se uirum eius, & potentiam odisse, virtutes vero amare, & ad-  
mirari, neque enim possunt, dum damna ab eo accepta me-  
moriam repetunt, non eius quoque virtutem meminisse, quæ in  
sui amorem vel inuitos trahit. Quis iam dicat, de vno Cæsare

MO dicere

## Leonardi Gini Cortonen.

M'o dicere non satis esse magnum? Quot umquam aut audimus, aut vidimus, aut legimus, quorum vita laudari debuerit vehementius, quorum interitus debuerit dolentius deplorari? Circumspicite obsecro Senenses, & virtutes omnes contemmini, neminem, credo, inuenietis, quem in omni earum genere cum Duce nostro comparare possitis. Erunt aliqui in periculis fortes, atq. inuidi, quos tamen impietatis nota foedabit: Erunt aliqui pii, ac religionis colentes; qui tamen vili & abiecto esse animo deprehendentur. Deniq. rari admodum ac pene nullus alius inuenietur, quin insigni aliqua virtute honestatus, vitium aliquod non leue habeat admixtum. Iam, si Placet, ad Magnum Cosmum oculos, mentemq. referamus. Certe hunc vnum in quouis genere virtutum eminere ipsa quoque, inquit ille, vel in vita fatebitur inuidia. Atque, vt simul omnia comprehendamus, de forma, & genere, de quibus, quod ipsi non fecimus, quæq. vix nostra putanda sunt, quæ tamen omnia vel maxima in eo fuisse notius est, quam ut oratione debeat explicari, de iis inquam, nullum verbum faciemus, nisi si quatenus aliquot ex eius virtutibus recensentes, ea quoque attingere coacti erimus. Quoniam vero cessans & ociosa virtus non modo non laudatur, sed ne cognoscitur quidem: quumq. virtutum omnium, & actionum moderatrix sit prudentia, si quæ a Cosmo Medice gesta factaq. sunt respiciamus, quanta in eo viro & Duce fuerit prudentia & sapientia, & quot quantaq. eius opem omnium animi virtutum dederit documenta, non difficile intelligemus. Etenim si sapienter agere sapientis est proprium, maximam vel ab ipsa pueritia & quasi diuinitus insitam prudentiam, & sapientiam in eo agnoscamus necesse est. Non dicam in præsentia illud vulgo iactatum, atque omnibus auditum. Carolum Q. Imperatorem sapientissimum Magni Cosmi Consilio præcipue fuisse usum. Non necesse est longius aduocare testes, ipsi nobis iudices testesq. sumus. Vanum est ab aliis petere, quod ipsi in manibus habemus. Quod si quanta in eo prudentia & sapientia fuerit considerare velimus, ad ipsa rerum initia oculos, animumq. conuertamus. Proponite quæso vobis Senenses fa-

## *Funebris laudatio*

re. n. facile potestis, qui vel a maioribus vestris audistis, vel ple-  
riq. et ipsi rei gerendæ interfuistis; puerum nobilissimum  
quidem, sed patre orbatum, sed opibus pene omnibus desti-  
tutum, a suis indigne depressum, nihil nisi de quietâ trāquil-  
laq. vita cogitantē. Huic Reip. suæ Principatus oblatus est,  
sed turbulentus, sed timoris, inimicitarum, insidiarum ple-  
nus. Deterent amici, cognati dissuadent; mater dehortatur.  
Exigua retinendi spes, facultates nullæ, hostes opulentissi-  
mi. Intus insidiæ, foris exercitus comparantur. At sapientissi-  
mus, & fortissimus adolescens; durissima ac difficilima sibi  
condicione proposita, illud omnino futurum prospiciebat,  
vt nisi ipse impositum sibi onus, quamuis grauissimum susci-  
peret, patriam cædibus, incendiis, rapinis, stuprisq. refertam  
militum libidine, ciuilibus discordiis, mutua ciuium tyranni-  
de, ac tandem alieniginæ cuiuspiam superbissimo dominatu  
oppressam videret, nam eo rei spectare exitus videbatur, ex-  
teræ vires omnia occupauerant. Hæc quum sapientissime  
animaduertit, tum fortissime exequutus est, Maluit enim  
pericula ipse omnia subire, quàm patriæ salutem deseruisse  
sibi conscius esse. Itaque diuino quasi spiritu impulsus, &  
Dei Opt. Max. ope, & auxilio confusus, a quo eam sibi digni-  
tatem pro patriæ suæ salute oblatam quasi diuinabat, onus  
suscepit, eo quidem tempore illi præsertim ætati, illisq. uiri-  
bus grauissimum; quod tamen deinde compertum est, non  
tantum fuisse, quo ipse multo sustinere grauius non posset.  
Nam eam ciuitatem, quam & turbulentissimis temporibus,  
& peruersis hominum ingeniis, variisq. voluntatibus accepe-  
rat maxime perturbatam, paucis diebus consilio summo &  
prudencia reddidit quàm pacatissimam. vt comprehendere  
facile omnes possint, hunc & ad eius vrbis; & ad tuscæ uni-  
uersę quietem, & salutem nobis a Deo Opt. Max. Principena  
esse datum. Quod ipsum tot, tantisq. & certissimis signis cõ-  
probatum est, ut nemini amplius de eare liceat dubitare.  
Nam, vt hybernos flores omittamus, quod si uerum fuit, si-  
gnum certe fuit maximum, sed tamē eiusmodi, quod & pau-  
cis fuerit notum, & quod cuiq. liberum sit fictum iudicare,

ca per



## Leonardi Ginij Cortonen.

ea per Deum immortalem signa respiciamus, quæ omnibus notissima sunt, & luce ipsa clariora quæq. vocare in dubiū nemo audeat. Quādoquidem si nullum est periculum, quod non quotidie vitæ hominis imminet, nihil erit mirandum, periculum quādoque aliquod innocentissimo Duci nostro fuisse creatum, quando in prauos hominum mores illud inductum est, ut quanto quisq. sanctius uitam ducat, tanto magis improbos atque inuidos habeat infestos. At vero ex eorū insidiis euadere, id certe miraculi simile uideri debet. Nam si ea tantū vitare prudētia nostra nobis licet, quæ cognita nobis & aperta sunt, certe ad ea, quæ latēt deuitāda, uix poterit prudentia adhiberi. Quoties igitur memoria repetemus, non semel a sceleratissimis atq. inuidis, imo ab Italiæ pestibus integerimi Ducis nostri vitæ fuisse insidias cōparatas, ipsumq. ex oibus insidiis, atq. ex oī ui ereptū fuisse atq. seruatum. toties non penitus sine consilio & prudentia, sed potissimum diuina ope incolumem euasisse intelligemus. Summus namq. seruator, & bonorum custos uim omnem insidiasq. omnes & inimicorum, & inuidorum irritas reddidit, atque. inanes. Non igitur ipsum & sapientissimum, & Deo gratissimum, esse dicemus? Recordāmini Senenses, quoties hæc de Duce nostro vulgabatur, quoties eum in maximo aliquo periculo uersatum fuisse audiebamus, qui erat animus, qui uultus omnium? quantus mœror, quantus timor omnium mētes inuadebat? quam frequentia pro eius salute uota ab omnibus fiebant? Quem igitur saluum, conseruatumq. omnes maxime volebamus, nūc eo extincto abstinebimus a lacrymis? At quanta deinde cognita est eius prudentia in Repub. administranda, in nouis legibus condendis, in veteribus uel corrigendis, uel penitus abrogandis? Nouerat sapientissimus Dux ciuitates & Respublicas regi & conseruari non posse, nisi legibus & moribus fuerint optime institutæ. immo legibus citius, quā mœnibus esse muniendas. Neq. ipsum latebat exemplis magis, quā legibus informari consueuisse homines, & coerceri. Habent enim omnes hoc natura insitum, ut libentes potius, quā coacti fecisse omnia uideri uelint,

## *Funeris laudatio*

Itaq. illud Audēt potissimū, vt imitati potius fuisse Principē,  
q̃ legibus paruissē, & pœnē metu quicquā fecissē videantur.  
Quapropter quū innumera pene statuerit nihil umquā statu  
it in alios, quin idem ipse princeps obseruarit. Ac tanta fuit  
in hac re eius animi moderatio, vt quum sibi omnia libera, &  
integra essent, nihil tamen prae ceteris nisi honestum licere  
vellet. Quamquam si hæc tanta videntur, quanta & omnes  
prædicant, & quanta certe videri debent, quā sapiens, quā  
moderatum, quā liberale, quā magnificum, quā piū  
illud erit existimandum? non solum supplicanti-  
bus parcere, sed vltro vt supplicaret admonere, quin etiam  
obstinatum, iratum, pertinaciumq. liberis, & corū, quos  
vel occulte contra vitā & dignitatem suam coniurasse ma-  
nifeste comperit, & patriam, & fortunas, & honores incolu-  
mes conseruare? Hoc est se ipsum vincere. Hoc iracundiā  
cohibere. Hoc aduersarios iacentes extollere. Hoc Deo,  
quantum homini licet, se similem ostendere. Hoc ciuium  
inter se animos priuatim, & Principi generatim conciliare.  
Hoc deniq. est vitæ suæ non sua, sed publicæ, vtilitatis causa  
rationem habere. Hunc Principem non amabimus? non co-  
plectemur? non admirabimus? qui legum, iurisq. seuēritate  
pietate, ac benignitate incredibili temperauit: non q̃  
quas condiderat, quibus primus paruērat, quarum conser-  
uandarum grātia non solum veteres confirmauerat, sed no-  
uos præterea magistratus adiunxerat, leges negligere: sed  
quia diligi potius, quā metui volebat, & ciuium suorum  
vitā & beneuolentiam potius, quā mortem, & fortunas  
expetebat. Quo fit, vt non solum homines summe se tam  
benigno Principi debere fateantur, sed vrbes medius fidius  
ipsæ, & oppida, quin immo vrbium & oppidorum parietes,  
& ædificia grātia ei agere gestiant: quorum pleraq. libera-  
litas eius, & magnificentia dant testimonium. Dum enim  
& honestati, & vtilitati consulit, ædificia extruit magnifica  
tissima, quibus vrbs ipsa, quibus magistratum dignitas ho-  
nestetur: templa instaurat, eaq. pulcherrimis apertissimq. ta-  
bulis decorat. Deniq. patriam suā aqua longius ducta fon-  
tibus,



## Leonardi Ginij Cortonen.

tibus, columnis, statuis alijsq. id genus rebus in numeris exor-  
nat. Nouas urbes Cosmopolim, & Heliopolim terra mariq.  
cōdit. Paludēs siccāt. Portus constituit. Castella munitissima  
non solū in ditionis suę finibus, sed in singulis quibusq. præ-  
cipuis urbibus ædificat, quibus & imperij fines, & singulæ  
quæq. vrbes ab hostiū vi & insidiis munitiores, sint, ac tutio-  
res. Verū enim uero quū nullū sit uiris ipsis pulchri<sup>9</sup> ornamē-  
tū, nullū sit munitius ppugnaculū, eorūq. uis aut in rei belli-  
cę pitia, aut in disciplinarū, & artiū cognitiōe sita sit, utriusq.  
rei Dux prudentis, habuit rōnē. Quid. n. ad suos optimis di-  
sciplinis instituēdos utilius potuit, aut cōmodius excogitari,  
q̄ nobilissima Gymnasia & Pisis, & in hac uestra vrbe cōstitu-  
ta? Quo viri in oī doctrinæ genere excellētissimi, & ex remo-  
tissimis regionibus mercede maxima accersiti planē indicant,  
Principē nostrū liberalissimū libenti animo coactos thesau-  
ros dissipauisse, ut maxime insignes doctrina & sapientia vi-  
ros thesaurū cogeret præciosissimū. Hoc aut quale quātūq.  
fuit liberalitatis, ac pietatis indicium? Parū sibi fecisse uisus est  
magnificētissimus Dux, si solos doctores magnis præmiis ad  
docedū aduocasset: uoluit igitur & auditores nō minimo p-  
cio coactos & cōductos habere. Nouū certe ac suauissimum  
uolētis genus, homines ad suā ipsorū utilitatē quasi benigni-  
tate cōpellere. Deceuit. n. ut adolescētes ex ciuitatib. dictioni  
suæ subiectis certo numero coacti, septenis quisq. annis in Pi-  
sano Gymnasio studi orū, & litterarū causa gratis aleretur.  
Quid hoc est nisi curare, ut unūquēq. pudeat nō discere, quū  
tāta benignitate alliciatur ad discēdū? Quāq̄ nō solos discipli-  
nis & sciētiis p̄ditos maxime coluit, sed pictores quoq. statua-  
rios, & architectos quāti fecerit, eorū, scholæ q̄ frequētes Flo-  
rētina uisunt, declarat, ut plane appareat, nullū inueniri disci-  
plinarū artiūq. genus, qđ Ducis nostri liberalitate, in Etruria  
præcipue nō vigeat. Iā uero quū in suis oppidis & urbibus mi-  
lites conscribit, ac peritissimos Duces erudiendi causa singu-  
lis cohortibus assignat, non id curat, ut eosdem optimos mi-  
lites, ac si quando opus sit, duces optimos efficiat. Addidit Je-  
m̄ quoq. armatura, & cataphractos, Naualia præterea, tri-  
remesq.

*Funebris laudatio*

remesq. extruxit, classemq. armavit, ut quoties necessitas postulare, non minus pedestribus, quam equestribus copiis, neque magis terra, quam mari munitus esset. Quibus deinde praesidiis, & armis ad Tusciae, & praecipue ad Christianae Reip. salutem semper est usus. Nam quemadmodum oblatum sibi patriae imperium, ut ei quidem praesset inuitus, ut vero eam seruet, libens accepit, sic eas deinde opes & facultates, viresq. omnes ad christianorum omnium, sed potissimum ad Tusciae utilitatem, & conseruationem habuit paratas. Testes vos estis ipsi Senensis. Patiāmini quaeso me haec paulo altius, sed paucis repetere, neq. tā praeteritae molestiae, quam felicitatis, quae eam consequuta est, recordatio moueat animos vestros. Testes vos estis ipsi, qui propter aliquorum insolentiam, & arrogantiam, qui quum equitate & comitate retinere vos in officio debuissent, temeritate, & superbia sua a Principe suo, cuius auspiciis Remp. vestram diu administrastis, abalienauerunt, ad externas opes, externaq. auxilia confugere olim coacti estis. Qua re bellum, immo incendium in Tuscia maximum excitatum est, quo vos in bello afflicti, ac destituti, nec minus ab auxiliariis, quam ab hostibus oppressi, non solum libertatis, sed etiam salutis amissa spe, maximis in angustiis, & miseriis versabamini. Haec quum fieri uideret pius, atque omnium, qui umquā fuerunt humanissimus Dux, quāuis eius urbis abtineret principatum, cuius emulae aliquādiu Senae fuerunt, agebatur tamen neque libenti animo ferre poterat, nullae enim erant ei similitudines, nulla erat emulatio, sed aperto animo, & sincero, quum alias Reipub. vestrae opes suas omnes fuerat liberalissime pollicitus, & re ipsa etiam praestiterat, quod in maritimis vestris ad Cosas contra Turcas uidere pleriq. potuistis, tum eo tempore saluam eam esse maxime voluisset. Qui uos non ut alienigenas despiciebat, sed ut Tuscos, ut eodem genere natos animo, & beneuolentia complectebatur. Praeterea tantum bellum, tam graue, tam in testinum robustius fieri, latius indies uagari, & altioribus niti radicibus pati equo animo non poterat. Videbat enim si hoc fieret, quā non solum vobis, sed suis quoque, & vniuersae Tusciae

## Leonardi Gini Cortonen.

Tuscię, atque adeo Italix esset periculosum. Itaque quum a Carolo Imperatore inuictissimo rogaretur, vt eius belli curā susciperet, diutius rogari non est passus. Immo non odio, non indignatione aliqua, non priuato aliquo metu, non spe sed vno Senensium, ac Tuscorum omnium salutis desiderio impulsus, negotium statim suscepit. Quumq. rem gerere ipse coepisset, numquam destitit, quoad hostium copiis omnibus deletis, Tusciaq. omni pacata, vobisq. Senenses restituitis, quoniam quod intenderat, quodq. rogatus fuerat confecisse sibi videbatur, reliquorum curam cogitationemq. abiecit, exercitumq. dimisso, ad ciuilia Reip. sue negotia sese totū conuertit, illud interea diligentissime curans, vt vos exhaustos, exinanitos, ac diuturno bello consumptos commeatu, cibariis, atque id genus rebus omnibus iuuaret. Qui tamē quū nihil subleuari vobis videremini, nec in ea pace propter paucorum libidinem, & eorum pene ipsorum, qui alienationis causa fuerant, quam sperauistis quietem inueniretis, cuius tot malis, atque incommodis fracti, ac penitus debilitati facti eratis cupidissimi, coepistis vobiscum ipsi cogitare quomodo malorum aliquem tandem finem possetis aliquando inuenire. Quare quum presentem vitę conditionem minus probaretis, & preterite damna ac detrimenta repeteretis, preterita, presentiq. fortuna admoniti, numquam uos optatam quietem inuenturos esse suspicabamini, nisi Principem talem nacti essetis, cuiusmodi esse COSMVM MEDICEM, & vestro & alieno exemplo commoniti, intelligebatis. Videntes enim eos, qui in eius ditione erant quietissimam vitam ducere, & tranquillissimam, ac tanti Principis equitatem, iustitiā, & in suos benignitatem attendentes, illorum conditionem libertati uestre vel vestro ipsorum iudicio anteponebatis. Atque id eo cupiebatis ardentius, quod si fieret, non quemadmodum antea, inique, atque indigne oppressi, tamen propter Principis absentiam, locorumq. interuallum, perpeti iniqua omnia cogeremini: immo si quid forte grauius accidisset semper essetis eum presentem habituri, quo & commodissime, & maxima cum fiducia confugeretis. Vota vestra Deus

Opt.

## *Funebris laudatio*

Opt. Max. respexit non minus, quàm Florentinorum Remp.  
aliquot ante annis respexisset, eoq. annuente factum est, vt  
vos, Carolo Imperatore volente, ac pene iubente, & Philip-  
po eius filio Hispaniarum Rege memoris gratiq. animi cau-  
sa assentiente, COSMVM MEDICVM Reip. vestræ Patro-  
num, Principem, Ducemq. delegeritis. Qualem deinde vitā  
vixeritis, quā ociosam, quā quietam, & ab omni pertur-  
batione penitus alienam, vester luctus eiulatusq. declarat.

Qui quum pacis, tranquillitatis, & salutis vestræ amiseritis  
autorem, ita squaleretis, ita afflictiimini, vt squaloris, & affli-  
ctationis sinem, neque speretis, neque studeatis, inuenire.  
Adhuc. n. credo memores estis pulcherrimi illius & maximi  
facinoris: quod nisi fuisset maritima vestra vastata penitusq.  
eruta euerlaq. videretis. Nam Turcarum insidiosissima clas-  
sis dum per scederis & amicitie simulationē per maria vestra  
vagatur, & Populoniam, quam sine ullo præsidio esse puta-  
bat, capere intendit, illud interea studet, vt maritimas regio-  
nes omnes, tam uestras, quam cuiuscumq. imperio subiectas  
populetur, ac vastet: neminē. n. qui CHRISTVM reueretur et  
colat, amicum habet: neque scodus frangere sibi videtur, si  
damna vel scoderatis inferat christianis. At Chiapinus Vitel-  
lius re cognita simulatq. descendisse eos accepit, Italū Ger-  
manūq. militē in insidius collocat: eosq. fidentius incedētes,  
& nihil tale opinātes adortur, & in fugā versos cédendo per-  
sequitur, vt vix mare persequentiu vim atque imperum po-  
tuerit cohibere, vbi pauci & ij quidē saucij a triremibus suis  
excepti, effugerunt: quo facto & maritima periculo liberata  
& maria hostili classe purgata fuerunt. O nos vere felices &  
beatos, quibus tam prudentem, tam iustum, tam benignum,  
tam magnificum, tam pium & religiosum Principem conti-  
git sortiri, & O certe beatissimos nisi ademptus tam cito no-  
bis fuisset. Possem Senenses, atque omnium concessu posse  
huic laudationi finem imponere. Nam quæ huc usque ta-  
cta sunt, non modo sunt ad gloriam satis, sed tâta certe sunt,  
quibus nullius vel auidissimi animus plura cupere, nec maio-  
ra possit. Verumtamen quemadmodum nihil verendum est,

## Leonardi Cini Cortonen.

ne assentationis gratia quicquam videar sinxisse, sic illud est maxime cauendum, ne maiorem gestorum suorum partem Serenissimo Cosmo videar inuidisse. Non quòd hęc ipse curet, qui dum vera felicitate, & diuino fruitur conspectu, despicit, ac pro nihilo cetera omnia ducit, Sed quoniam parum æqui aestimatores eius gestorum uideremur, si quę multo maxima restant silentio prætermitteremus. Etenim quum glorię cursus sit sempiternus, atque is non vitę breuitate, sed rerum gestarum magnitudine, & copia definiatur, iniquum certe esset aliquid reticere, quod alicuius gloriam posset augere. Quamuis igitur magna & præclara sint, quę Magnus Cosmus pro patria, & pro Tuscæ salute administrauit, nihilo tamen inferiora, neque obscuriora sunt, quę pro Christiana Rep. & religione sæpius gessit, quę cuiusmodi sint quæso attendite; vt ex eius erga Christianam religionem pietatis magnitudine, quantam in eo viro, & Duce iactura facta sit intelligatis. Philippus Aesiæ Princeps, vna cū reliquis Principibus confutatis Lutherianorum partes susceperat, maximoque exercitu comparato omnia penę circa Rhenum loca occupauerat. Pontificem, Christianissimum Vicarium ridebat: Imperatorem inuidiosissimum contemnebat: omnibusque ueram religionem colentibus, præcipue autem Italiæ, ac Romæ cades, incendia, catenas minabatur. Tantus erat clamor, strepitus, fragor. Tanta bellicorum tormentorum tohitrui imitantium vis, vt cælum ruere penitus videretur. Carolus. Quumquam satis laudatus Imperij & religionis causa suscepta exercitum colligit, sacratissimos, atque immanissimos hostes fudit, ac delet. Quo in bello quantus fuerit Serenissimi Cosmi peditum, equitumque usus neminem ignorare historiarum scripta patiuntur. Sed si quis forte cupiat audire, Adest vir summa pietate, ac fide Illustriss. Federicus Barbolanius, cui ob spectatam eius probitatem & fidem, & Reipublicę administratio, & res bellica omnis commissa est in quo viro tanta est iustitia, æquitas, & bonitas, vt eum meritorum quam humen aliquod colatis omnes atque obseruetis: Ab hoc ut gesta sunt omnia unusquisque potest accipere, qui

in eo bello nō interfuit solum, sed præsuit. Nam Dux noster  
 quamuis non satis adhuc rebus suis fideret, & hostes suos ca-  
 ptare, atque expectare occasionem videret, publicam tamen  
 utilitatem priuatis commodis anteposuit: atq. non solum  
 pedites, sed Rodulsum quoq. Ballionium cum equitatus au-  
 xilio ad Carolum misit. Quantum hoc est? suum & Reipub.  
 suæ periculum negligere, vt Christianæ Reip. laborantis sub-  
 ueniat? Solimanus maximus, ac pene innumerabili exercitu  
 confecto Maximilianum aggreditur, ut quemadmodum an-  
 tea reliquis oppidis & vrbibus, sic tunc Vienna ipsa, & Regia  
 spoliaret. Viuit adhuc, & mœrens, quidem viuit tanto Duce  
 ac Principe priuatus Aurelius Fregosius, qui eo cum delectis  
 militibus missus est. Hic testificari potest quantopere Impē-  
 rij, & Christianæ Reipu. causam maximus, & religiosissimus  
 COSMVS ei commendarit. Aloisius Borbonius religionem  
 simulans, ducem se Vgonianorum proficitur, bellum, ac se-  
 ditionem in Galliam concitat, Regem nihil tale opinantem  
 per insidias adoritur. Et certe haud scio an vñquam tempo-  
 ribus nostris maiori in periculo Christiana Reip. uersata sit.  
 At magnus noster Dux quum animaduertisset bellum ab  
 Vgonianis contra religionem excitari, Gallorum Regem,  
 quem non multo ante pecunia iuuerat, tunc religionis cau-  
 sa multo magis censuit adiuuandum. Itaque fortissimas ali-  
 quot suas legiones illuc misit, quibus Sfortiam Sanctę Florę  
 Comitē p̄fecit, quarū egregiā in eo bello op̄erā fuisse, & ab us  
 initium victorię factum esse, iā ex eo tēpore constanti fama  
 vulgatum est. Hęc Senenses non gloriosa? non laudabilia  
 sunt? non religiosa? nonne quemadmodum laudes, sic etiā  
 lacrymas cumulant, atque adaugent? Nonne Regem Gallo-  
 rum tanti beneficii esse memorem? nonne eius vicem dole-  
 re, nōne uel mortuo gratias adhuc agere arbitramur? Quid?  
 Maximilianum & beneficio maximo affectum, & affinitate  
 coniunctum, nonne id memoria sapius repetere? non COS-  
 MVM, si maxime fieri posset, viuere ad huc velle existima-  
 mus? Carolus Imp. nunc vere felicissimus (videre mihi cum  
 videor Senenses) factus huic obuiā, manu apprehensum, exo-  
 sculatur,





Leonardi Gini Cortonen.

sculatur; lætus, quod eum ex hisce erumnis in Cœlestem patriam remigrasse uideret, subtristis, quod Philippum filium COSMI MEDICIS Consilio priuatum dolet. Quinque multis ei nominibus gratias agat, nam & alia multa, & maxime oportuna in Insubriam, atq. in Liguriam auxilia sibi ab eo missa commemorat, tum etiā illud addit, non se esse oblitum, quantum & sibi, & Christianæ Reip. profuerit: quum ipse ad procellæ illius Christianis omnibus maxime infestæ uires frangendas, ad Dragutum Archipyartam sæuissimum opprimendum, ad Aphrodisium expugnandum nauigaret. Quo tempore Magnus noster Dux Iordanum Vrsinum classis sue præfectum ei comitem adiunxit. Hinc Melitam simul respicientes, Solimanum eam quoq. insulam sub ditionem suam redigere conantem Philippi Austriaci classe, quam tamen Chiapino Vitellio duce Serenissimi COSMI triremes comitabantur, magno cum dedecore & damno uidet esse reiectū. Inde in Ambracium sinum uertentes oculos, maximum illū, triūphū, in signū illā victoriā, (qua utinā usi fuissent christiani) contemplantur. Hic lætatur Carolus filio suo tantā victoriā a Deo Opt. Max. fuisse concessā. Lætatur COSMVS videns duodecim triremes suas, partim Pontifi. Max. atq. sanctissimi partim suis ipsius auspiciis in eo prælio pro Christiana Rep. fortissime decertātes. At vero quū se ipsos respiciunt, & gloriā, in qua positi sunt, diligentius intuentur, contēnunt hæc ceteraq. humana omnia, & leuia, penitusq. inania existimāt, & nisi caratione reditum sibi in veram patriam cōsecissent, vixisse eos pœniteret. Videris iam, credo, Senesces quam sit magnū & difficile Serenissimū COSMVm pro meritis laudare; videtis quā sit graue, & laboriosum tantum ducem digne deplorare. Nam si quæ a me inculte & paucis tacta sunt, ornata & longa oratione fuissent explicanda, si tantarum rerum autor quantum res, & iactura postulat lugendus esset, Quod esset tempus tam diuturnum? quæ tata dicendi copia? quæ tanta lacrymarum uis, quæ tantæ rei magnitudinem posset exequare? Sed o me inmemorem, o me potius dementē. Iam video quid ægritudinis, quid doloris magnitudo possit,

## Funeris laudatio

perstringit sensus, mentemq. obtundit, ut sæpe etiā quæ ob oculos posita sunt cernere nō liceat. Parcite, obsecro vos, fortissimi, atq. honestissimi equites. Salutare illud signū, quo Divi Stephani auspiciis insigniti estis, admonuit me. Video mororem vestrum, sordesq. lugubres, itaq. nihil dubito, quin dolori meo aliquid concedatis, dum vestri vobis doloris conscij estis. An tantū magnificentie, pietatis, religionis signū prætereundū fuit? Classē habebat COSMVS MEDICES instructā, atq. paratā, neque milites deerant. Verū prudentissimus, Dux rem certe maximā, & præclarissimā excogitavit, vestrū fortissimi, ac religiosissimi, equites ordinē instituit: quē quidem cæteros omnes breui equaturum, vel superaturum potius, initium ipsum potest esse argumento, vosq. christiano insigni voluit esse insignes, & a Diuo Stephano cognomē habere, ut utrūq. intuentes, pro vera gloria, & pro Christiana religione & Rep. nullos labores, nullaq. pericula reformidantes, vos ipsi eius classis fortissimi & promptissimi essetis & milites, & duces: neq. vllō vñquam loco, aut tempore religionis nostrę hostēs quiescere pateremini. Hęc quanta sint, si quis fortē non intelligit. Pium Q. Pont. Max. atq. sanctissimum cōsulat, qui quanti hęc fecerit, vel ex eo patere cuique pōt, q. COSMVM MEDICEM, propter eius in Christianā Remp. promerita decreto suo Serenissimū & Magnum Etrurię Ducem voluit appellari. Hunc nos lugemus extinctum, hunc deploramus, huius causā in squallore, & mœrore iacemus omnes, hinc ploratus, & eiulatus undiq. exaudiuntur, hinc plāgore & lamentatione omnia complentur. O afflictā Etrurię fortunā. Ecquis tenere lacrymas poterit? Equidem perpetuas mihi dari lacrymas uellem, ut perpetuo Ducem nostrum lugendo oblectarer. Ex quo dum uiueret tot tātasq. cæpimus utilitates & commoda, ut eo etiā mortuo adhuc vigeant: non ante interitura, quā viucere, & esse homines desierint. Quæ quidem quum per se omnia maxima sint, illud certe, quod a me in præsentia recensēbitur, omnium, quæ vel supra dicta sunt, vel dici aut, excogitari præterea possent (nisi is contra naturę institutum vixisset immortalis) multo est



Leonardi Giny Cortonen.

est maximum. Hic eius prudentia, hic eius in suos pietas, hic  
eius nulla dominandi cupiditas, nisi communis vtilitatis cau-  
sa cognoscitur. Serenissimus COSMVS, id quod. meminisse om-  
nes potestis, multos iam annos maxima cum iustitia, equi-  
tate, benignitate, pietate ita rexerat Etruriam, vt nihil ad  
summam eius prouinciæ tranquillitatem, ac felicitatem desi-  
derari posset. Nulli amplius erat hostes, quieta erant omnia,  
& pacata. Deniq. ea erat Ducis nostri conditio, vt (quod vix  
sperare homini licet) inuidiam superasse videretur. contene-  
bat fortunæ impetus, nempe qui eius vires ita domuerat, vt  
eam sub virtutum suarum imperium iam diu subiunxisset.  
Quamobrem quum se natum esse hominem sciret, nihilque  
ardentius cuperet, quam Tusciam suam perpetuo tranquil-  
lam, beatamq. videre, illud etiam intelligebat, nili ad Re-  
rump. felicitatem posse aptius excogitari, quam si ab optimo  
Principe administrarentur. Neque ipsum fugiebat, vt qui suos  
omnes plane cognitos & perspectos haberet, quale Serenissi-  
mi FRANCISCI filij sui adolescentis optimi & humanissi-  
mi esset ingenium; videbat igniculos, & insita in eo virtutū  
semina plurimam signis indicare, non multo post esse ad  
frugem peruentura. Nihil igitur dubitabat, quin sui similis  
Princeps esset futurus. Verumtamen vt semina illa que satis  
per sese valida erant, exercitatione aleret, prudentiamq. ado-  
lescentis optimi perficeret, paulum ipse a Reip. gubernaculis  
recessit, filioq. suo regendæ ac moderandæ Etruriæ potesta-  
tem, quasi qualdam tradidit habenas: vt is eundem haberet  
parentem, & præceptorem, & prudentissimi parentis vesti-  
gia persequens, ita assequeretur, itaq. in is insisteret, vt ea  
deinde deserere nec vellet, nec posset. Quam prudens fuit  
hoc consilium? quam Tulciæ omni commodum, & saluta-  
re? Sapientissimus COSMVS de animo filij nihil dubitabat,  
sed a quo nam fuit æquius filium, quam a patre Reip. regen-  
derationem edoceri? Quemue fuit æquius filium erudire  
quam patrem? & eum quidem patrem, qui prudentiam alios  
docuerat? Quamuis enim assidue studeret COSMVS pru-  
dentissimos apud se habere viros, quorum consilio uteretur,

tamen



tamen tanta erat eius viri prudentia, vt posset ipse consiliū dare aliis verius, quā vt deberet alios consulere. Atqui tanta in eo modestia fuit, vt aliorum sententias libenter audiret: suaq. ipse aliis consilia communicaret, tantumq. ingenio valebat, vt ex optimis quod maxime esset optimum semper deligeret. Quare viros illos, quos & prudentissimos, & fidelissimos asciuerat, multo prudentia sua prudentiores faciebat, nemoq. apud eum vixit, qui non ab eo prudentissimus esse didicerit. Viunt adhuc viri optimi & prudentissimi, quorū ipse opera in rebus quibusq. maximis utebatur, qui quanta fuerit eius prudentia, quāq. ab eo fuerint ipsi, non solum adiuti, sed penedicam instituti, testimonio esse apud omnes possunt. Sed hæc vt nota omittamus. Sapientissimus igitur Dux, vt maxima cū sapientia semper administraretur Etruria, filium suum sapientissime ipse instituit, vt sibi non imperij solum, sed etiam virtutum hæres succederet, neque ipsum spes & opinio fefellit. Atq. hoc in tantis malis vnum solatium relictum est. Quoties enim Serenissimum FRANCISCUM MEDICEM Magnum Etruriæ Ducem secundum intuemur, toties Serenissimū eius patris respicimus imaginē: vt in FRANCISCO vere COSMVS viuere adhuc, & spirare videatur. In quo Serenissimus COSMVS & suæ & Etruriæ quieti plurimum consuluit: suæ quidem quæ propterea latissimus ex hac vita decelsit, quia virtutum, actionumq. filij sui multos annos is ipse spectator, & autor, non quemadmodum reliqui Principes dubiam de eo spem, sed certissimam eius vitæ, virtutumq. scientiam secum abstulit. Nostræ vero, quod qui morte sua, id quod necesse fuit, lugendi nobis causam dedit, is ipse prudentia, & sapientia sua luctus finiendi factus est autor. Quippe qui cum nobis Ducem reliquit, cuius regendorum populorum rationem viuo adhuc eius parente experti, dubitare non possumus, quin sapientissimū patris sapientissimum filium Ducem habeamus. Quare Serenissimū COSMUM memoriam beneuolentia colentes sempiterna, eius interea filium reuerēbimur, & obseruabimus, tum vt aliquam, parenti mortuo gratiam pro tantis beneficiis referamus,

*Leonardi Ginij Cortonen.*

mus, cui nihil hoc gratius facere possumus, tum ut Serenissimus FRANCISCUS (quod præcipue curare nostrum est) non alio nos erga se animo esse intelligat, quàm quo erga COSMUM patrem esse cognovit. Immo tanti eum faciemus, quanti & COSMI filius, & a COSMO, & a Deo oblatum munus faciendum est. Neque minorè, quàm nostræ ipsorū, eius vitæ & salutis curam suscipiemus. Sic enim quod debemus & Deo & Principi nostro persoluemus

Et Serenissimo FRANCISCO MEDICE


Magno Etruriæ Duce secūdo Remp.

administrante tutam, quietam,

felicemq. vitam ducemus

& Beatam.

FINIS.



L'Amour et la Vertu

Le premier tableau de la suite de la vie de Louis le Grand, est celui de son mariage avec Marie d'Orléans, le 25. Mars 1659. Le Roi est assis sur un trône, à gauche, et la Reine sur un autre, à droite. Ils sont entourés de leurs enfants, et de leurs courtisans. Le tableau est orné de figures allégoriques, et de symboles de la monarchie.



